

परोआरें प्रति संवेदना जाहर कीती ते अधिकारियें गी हिदायत किती गई ऐ, ओह फौरी राहत-सहायता उपलब्ध करोआन ते घायलें गी बेहतर मैडिकल सहूलत दितियां जान, ओह जम्मू खिते दी स्थिति पर नेइमी तक्क रक्खा रदे न। उनें लोकें गी अपील कीती जे ओह सुरक्षित रौहन ते जारी हिदायतें ते दिशा-निर्देशों दी पालमा यकीन बनान।

<><><><><><>

CM-HM

मुख्यमंत्री उमर अब्दुल्ला होरें जम्मू च लगातार माड़े हुंदे जा रदे हाइ जनेह हालात बारे गृहमंत्री अमित शाह हुंदे कन्नै गल्ल कीती ऐ। सोशल मीडिया मंच एक्स पर कीती गेदी इक पोस्ट च उमर होरें दस्सेया ऐ जे भारी बरखा करी जम्मू च बड़ा भारी नुकसान होआ ऐ। हवाई अड्डा बंद होने कारण जम्मू नैई पुज्जी सकने पर बसोस बुज्झदे होई, उनें आक्खेया ऐ जे ओ हालात दी लगातार निगरानी करा करदे न।

<><><><><><>

JK Govt. Order (Byte)

जम्मू-कश्मीर सरकारें लगातार बरा करदी भारी बरखा दे मददेनजर अत-लाजमी सेवाएं ते कानून नाफिस करने आले मैहकमे गी छोड़ियै होरनें सब्भनें दफ्तरें ते शिक्षा इदारे गी बंद रक्खने दा हुकम जारी कीता ऐ। जारी इक संदेश च जम्मू दे डिविजनल कमीशनर रमेश कुमार होरें आक्खेया जे खिते च सब्भनें स्कूलें, कालजें, कोचिंग सैन्टरें ते सिखलाई इदारे सनें दफ्तरें गी बी अज्ज बंद रक्खेया जाग। इस सरबंघे च मती जानकारी सांझी करदे होई जम्मू दे डिविजनल कमीशनर रमेश कुमार होरें आक्खेया

खिते च भारी बरखें ते हाइ जनेह हालात दे मददेनजर प्रशासन नै अत लाजमी सेवाएं आलें सब्भनें मैहकमें गी हाई अलर्ट पर रक्खे दा ऐ ते आपात स्थिति लेई हैल्पलाईन नम्बर बी जारी कीते न। जम्मू लेई हैल्प लाईन नम्बर 0191-2571616 ते 0191-2520542, साम्बा लेई 0192-3241004, कठुआ लेई 0192-2238796, डोडा लेई 95967-76203 ते किश्तवाड़ लेई 94842-17492 नम्बर जारी कीता गया ऐ। लोकें गी आक्खेया गया ऐ जे ओ इनें एमर्जेंसी नम्बरें दे राएं जां फही अधिकारिक सोशल मीडिया प्लेटफार्मे दे राएं बी प्रशासन कन्नै राबता करी सकदे न। तोंआई जम्मू कश्मीर सर्विस सलैक्शन बोर्ड नै मौसम दे खराब सूरतेहाल करी औंदी 31 अगस्त गी लैता जाना तय होए दा जुनियर इंजीनियर सिविल दी असामियें लेई OMR आधारित मतेहान फिलहाल अगड़ा पाई दिता ऐ ते एब्बी आक्खेया जे मतेहान लेई नमीं तरीक दा ऐलान बक्खरे तौर पर कीता जाग। खराब मौसम करी कांस्टेबल दे ओहदे लेई मंगलवारे करोआई जाने आली भर्थी प्रक्रिया गी बी मुअतल करी दिता गया ऐ। तोंआई जम्मू कश्मीर स्कूली शिक्षा बोर्ड नै अज्ज लैते जाने आले 10मी ते 11मी दे मतेहानें गी स्थगित करी दिता ऐ।

<><><><><><>

ते हुंन बाकि दिएं खबरें विजय बजाज :-



Rain Train Cancelled

उत्तरी रेलवे नै कटरा-उधमपुर ते जम्मू रेलवे स्टेशन औने ते जाने आहली 18 रेल गड्डियें गी रद्द करी दिता ऐ। रेलवे अधिकारियें मुजब 7 रेल गड्डियां कटरा थवां, 2 उधमपुर थवां ते इक रेल गड्डी गी जम्मू थवां रद्द कीता गया ऐ ते 4 गी किश अवधि लेई बंद करी दिता गया ऐ। रेलवे प्रशासन दा आक्खना ऐ जे एह गैं खराब मौसम ते मजूदा स्थिति करी पुट्टी गई ऐ। कटरा ते उधमपुर च रेल सेवा बंद ऐ, पर कटरा-श्रीनगर बश्कार रेल सेवा जारी ऐ।



Network Outrage (Byte)

जंदे रोज जम्मू संभाग च होई दी भारी बरखा करी लोकें गी मोबाईल नैटवर्क च परेशानियें दा सामना करना पेया, जेदे चलदे लोकें गी आपदा दी इस घड़ी च इक-दुए कन्नै सम्पर्क करने च मती दिक्कत पेश आई। केई सारी थाहरें पर ओपटिकल फाईबर आली तारें गी नुकसान पुज्जने करी मोबाईल फोन कॉल ते इंटरनैट सेवाएं च विघ्न पेया। समूलचे केन्द्र शासित प्रदेश च लोकें, खासकरियें अपने घरें थमां दूर जां बक्ख-बक्ख थाहरें पर फसैं दे लोकें गी इस कारण मती परेशानी झल्लनी पेई। जम्मू दे इक दफतरै च कम्म करने आली पलवी नां दी कर्मचारी नै साड़े संवाददाता नै गल्ल करदे होई दस्सेया जे ओ अपने घर फोन करियें परोआर आलें गी इतलाह देना चाहंदी ही जे खराब मौसम करी उसी परतोने च चिर होई जाग, पर मोबाईल नैटवर्क च आई दी परेशानी करी ओ अपने परोआर कन्नै सम्पर्क नैई करी सकी। ओदा आक्खना हा

तोंआई प्रशासन नै आक्खेया ऐ जे सम्पर्क सरिस्तें गी ब्हाल करने आस्तै लगातार जतन कीते जा रदे न, पर लगातार बरा करदी बरखा करी मुरम्मती आले कम्मैं च बार-बार विघ्न पवा रदा ऐ ते अजें बी केई इलाकें च सम्पर्क प्रणाली बूरी चाली प्रभावित ऐ।



Weather -Traffic (Byte)

मौसम विभाग नै जम्मू-कश्मीर दी केई सारी थाहरें पर बरखा ते गरज चमक दी पेशगोई कीती ऐ। लगातार होआ रदी बखा करी पैहले सोया गै लोकें गी केई परेशानियें झलनियां पवा रदियां। जम्मू-श्रीनगर राष्ट्रीय जरनैली सिड़क पर लास-पस्सियां ते कुप्पड़ पौने दियां घटना पेश आइयां न। इस करी एह सिड़क कल्लै थवां बंद ऐ। लोकें गी सलाह दिती गई ऐ जे ओह राष्ट्रीय जरनैली सिड़क दी स्थिति च सुधार मगरा गैं यात्रा करन । ARTO रामबन होरें जानकारी दिंदे होई आक्खेया



Army Rescue

आम लोकें दी सेवा ते तुरत कारवाई आली भावना दा बड़ी दलेरी कन्नै प्रदर्शन करदे होई, भारतीय फौज नै जम्मू खिते च हाइ जनेह हालात दे मददेनजर राहत सरबन्धी जत्तनै दी अगुआई करा करदी ऐ। फौज दी Rising Star कोर नै गाड़ीगड़, आर.एस.पुरा, स्कास्ट, सवांजा ते मंगू चक्क इलाकें च कैई बसनीकें गी हाइ दे पानी कोला सुरक्षित बचाया ऐ। बक्ख-बक्ख इलाकें च फसैं दे बसनीकें दी सहायता लेई फौज दे जवान लगातार अनथक जतन करा करदे न। अजे होर बरखा दी शैंका गी दिक्खदे होई फौज दियें बाददू टीमैं गी अलर्ट पर रखेया गोदा ऐ तां जे जम्मू खिते दे हाई दी माइँ हेठ आए दे इलाकें च बसनीकें गी फौरी मदाद उपलब्ध करोआई जाई सके।



PTC Announcement

आकाशवाणी जम्मू दे क्षेत्रीय समाचार एकांश आसेआ जम्मू जिले लेई अंशकालिक संवाददाता यानि PTC लेई दरखास्तां मंगियां गेइयां न। इच्छुक आवेदक जेहदी उमर 24 थमां 50 बरें दे बश्कार ऐ ते ओह जम्मू जिले दा रौहने आहला ऐ, एदे लेई आवेदन करी सकदा ऐ। मेदवार कश पत्रकारिता च पी.जी डिप्लोमा, डिग्री या कुसै बी पंजीकृत यूनिवर्सिटी थवां ग्रैजुएशन ते पत्रकारिता च 2 बरें दा तजुर्बा होना लोइचदा ऐ। मेदवार गी कम्प्यूटर पर खबर बनाने ते मीडिया कवरेज दे अनुभव सने सरबन्धत लोइचदे उपकरणें वगैरा दा इस्तेमाल करना बी औना चाईदा। आवेदक जिला सदर दफ्तर दी 10 किलोमीटर दी हद्द दे अंदर-अंदर रौहदा होना चाईदा ऐ। दरखास्त ते लोइचदे दस्तावेजें दी कॉपी मेदवार गी क्षेत्रीय समाचार एकांश आकाशवाणी पंजतीर्थी जम्मू च 31 अगस्त 2025 संजा 6 बजे कोला पैहले- पैहले आइए दस्ती जमा करोआनी होग। इस बारै व्यापक जानकारी आकाशवाणी दी वेबसाइट www.newsonair.gov.in पर उपलब्ध ऐ।

